

涪陵縣續修涪州志

涪陵縣續修涪州志

附民國紀事一卷

涪陵縣續修涪州志卷首

凡例 十八則

一本州建置以來僅存乾隆五十年之陳志卷帙完好者搜羅尙止一部同治八年續修駁回遂廢亦少全書清史館行下催取須補百四十年之事實顧自國體變更一切制度迄未通行無所統紀故斷自宣統三年

一州志經道駁更修此次並未沿襲廢志應爲重修但已增庚午後四十二年之事爲先達諱仍爲續修事皆在未改涪陵縣以前故仍名涪州志

一彈丸邑地形華離不能正值某星幾度其言入某度亦難確證康氏武功志僅有秦當井鬼之分一語茲盡刪統同之文取陳志三條不

諳天文學不敢傳會

一初議陳志沿革表最善悉仍其舊今詳攷九通二十四史暨各地志
尙覺缺略不敢護前仍另列表非好異也

一涪水

出廣魏
在江北

涪陵江

由黔來
在江南

涪縣

涪水逕
涪縣西

涪城

城宮進
破涪城

涪陵郡涪陵

縣涪州

攷見
沿革

昔人每混而爲一前志以涪之李驤涪陵郡之徐巨等

誤爲邑人者頗多今悉考正不敢訛以傳訛

一李成時范賢長生涪陵丹興人丹興今之黔江通鑑書涪陵人統於
郡耳自郡廢黔江不在境內故陳志無其人王志列入鄉賢不特借
才異地並直以黔江爲轄境也陳志爲長今從之

一前志以晏淵晏亞夫爲二人分入宋明王志以宋史有傳之合州度
正字周卿爲二人入鄉賢何德明旣書游宦來涪又列武舉名宦王

僊列入州人之忠烈悉更正以匡其謬

一向例有儒林一目茲考文行兼備堪入儒林者先達已皆奉祀鄉賢祠近世漢宋學家法師承稍替不必虛立此目貽誚浮夸

一鄉賢忠義孝友列在祀典定制歿後三十年人猶思其懿德公具事實呈學牒縣稟府申道咨司層遞出考詳院奏下部核合格覆准入祠設位春秋官爲致祭闡幽潛昭激勸至愼至重也王志於祠祀外多所臚列表示推重如僭干何增立篤行一目悉入之詳著品學以備分別請祠

一州志備省志國史採擇得上於朝乃一邑之史編纂應用史例書名舊志秩官人物志中傳贊多稱公非君前臣名之體悉更正之非敢

僭也惟錄

德政碑家傳墓誌等原文

仍其舊

一舊志有旣祀鄉賢又入賢達孝友忠烈歷史罕見景仰前賢反覺自亂其例但科目仕進封贈醴墓藝文一人數見者不在此例

一廢志節婦多守節十二三年

不著存歿

及存年祇四十左右者本太寬濫

然至今則盡合例矣未敢擅去一人此次採訪亦不免此失即存年已五十者在宣統三年亦不合格分別函查覆仍含糊惟將來總須入志祇得稍寬其格以勵澆風幸諒微意

一志以傳信無徵不信例當削不削而無說以明之是沿謬也略例以何氏之萬戶侯千戶伯周氏之追贈虬正侯明史不載非郭公夏五

闕文之比擬辨論存疑今思得其間

詳見拾遺

不以質當世則二族先澤

在疑似間後來續修以爲子虛將削之矣嗣又得潘氏譜侯伯與何氏正同亦附辨之

一初議擬於物產卹政鹽法雜稅等目分見貨殖究嫌眉目不清故仍立食貨志

一士大夫蓋棺論定無爲生人立傳者

前志書陳于宣纂輯又列協修又立傳非是

著述之

人現存亦例不登載幸諒不罪

一陳志各門有總序各目有小序王志無之並削舊作今於門目相類者仍概錄存不敢沒前人苦心

一王太史闔運桂陽州志開卷卽目錄無監修官序

並無凡例修志職名列敘志後此

次續修時僅二年半知事十三更易皆監修官也皆未暇兼顧也一

書例無二序未敢偏請一序謹用桂陽志例

例載舊志序亦類入敘錄

但仍并以

凡例述編纂微意

一排比格式繕寫規模羅列名志多種擇善倣效皆非自我作古尅期

告歲幸鄒詳輯鴻定李詳輯述銘陳詳輯君邦鈎稽討論向總校鴻
騫悉心檢察得力最多揭之以誌將伯之助

涪陵縣續修涪州志卷首

總目

第一卷

疆域志一

涪州圖 道里 星野 沿革一

第二卷

疆域志二

沿革二 山川一

第三卷

疆域志三

山川二 水利 古蹟

第四卷

疆域志四

壟墓 附墓志

義塚

第五卷

建置志

城圖 城隍 廨署 學宮 壇廟 倉廩 附田 津梁

書院 附學堂 附田 塘舖 警察 城鎮鄉會 三費 善堂 附田 附產

第六卷

賦課志

丁賦 附解運 留支 津貼 捐輸 契稅 鹽課 茶課 雜稅

第七卷

風土志

習俗 方言 節序 物產

第八卷

典禮志

文廟

各祠附

壇廟

祈禱

賓興

田產附

第九卷

秩官志

名宦

良吏

文職

武職

兵額附

民職

第十卷

選舉志

貢舉表

附武科表

特試

學額

蔭生

第十一卷

人物志一

鄉賢 忠義孝友

第十二卷

人物志二

篤行

第十三卷

人物志三

義舉 文苑

第十四卷

人物志四

仕進 義勇

第十五卷

人物志五

隱逸 流寓 封贈 耆壽

第十六卷

人物志六

列女一

第十七卷

人物志七

列女二 方技 仙釋附

第十八卷

食貨志

卹穀 國幣 輸入品 輸出品

第十九卷

藝文志一

存目 文徵一

第二十卷

藝文志二

文徵二

第二十一卷

藝文志三

文徵三

第二十二卷

藝文志四

詩選一

第二十三卷

藝文志五

詩選二

第二十四卷

雜編一

祥異

第二十五卷

雜編二

兵燹

第二十六卷

雜編三

拾遺

附何氏萬戶侯千戶伯賞疑
周氏冊封虬正侯時代賞疑

第二十七卷

叙錄

舊序

自序

修志銜
名附

涪陵縣續修涪州志卷首終

涪陵縣續修涪州志卷一

疆域志一

陳志名封域序云自先王畫井分疆而有井邑邱甸之名此州郡之所由防也洎秦開阡陌罷封建設立郡縣而後

世因之地無大小皆得分土而治以比侯國府庸之屬涪陵雖幅員不廣而上應星文下因地利歷代沿革之異山川形勢之奇以

及街肆里甲遺蹟邱壘非可一覽而盡也爰加意蒐輯增所未備彙成封域一帙後之人按籍而稽因地制宜俾斯土爲樂郊樂國

斯善矣

昔聖人疆理天下度地居民荒服之國爵不過子而胙土數倍公侯繇山林川澤磽确險阻可井之地少也秦開阡陌置郡縣大抵準土壤之肥瘠以區廣狹必如是始足供稅率劑民食規畫略與封建等涪於古爲巴子屬地襟帶長江黔水入焉卽涪陵江也楚嘗由是取黔中秦置枳縣屬巴郡漢因之而置涪陵縣於今彭水季漢升爲郡以枳漢平屬之晉徙郡治於枳後周移治漢平唐爲涪州涪陵郡治兩江水會初隸